


# Bibel fa Kjinja brinjt junt

## Jesus wält Twalw Helpa



Jeschräwen von: Edward Hughes  
Jemolt von: Byron Unger; Lazarus

Äwasat von: Ed Zacharias  
Toom Paus jestalt von: E. Frischbutter; Sarah S.

De 39. Jeschicht von 60

[www.M1914.org](http://www.M1914.org)


*Bible for Children, PO Box 3, Winnipeg, MB R3C 2G1 Canada*

Jesazlich: Du doascht dise Jeschicht oppnämen ooda drekjen, soo lang aus du dee nich vekjafst.

Plautdietsch

Low German


Jesus deed sea scheene Dinja. Hee heeld  
Krankheiten, jeef vestieede Menschen Fräd em  
Hoat un Vestaunt, un hee lieed an Gott sien Wuat.



Väl Menschen kjeemen no Jesus daut  
hee an halpen un heelen kunn.




Hee wäld sikj twalw Mana von dee waut met am jinjen, toom am met siene Oabeit fa Gott halpen.




3

Deist du bäden un Gott froagen wan du waut wichtjet wälist? Jesus deed! Hee jinkj opp eenen Boajch no eene stelle Städ, un räd met sienen himlischen Voda. Jesus bäd bat de Sonn unja-jinkj.




4



Jesus bäd bat gauns derch de diestre Nacht.


5

Zemorjes roopt Jesus dee waut met am jinjen, Frind dee am deenden un jehorchten.




6

Von dee wäld hee twalw besondre Helpa, ooda Apostel.




7

De ieeschte twee, dee Jesus roopt, wieren Breeda, Simon Petrus un Andreas. See wieren Fescha-lijed jewast ea Jesus an roopt met am to gonen.



8

Jakobus un Johanes,  
Zebedäus siene Säns,  
hauden uk ääre Fesch-nats  
veloten.



9

Jesus roopt uk Filippus, Bartolomäus, Matäus,  
Tomas, Simon, dee Zelot jenant wort, Jakobus,  
Alfäus sien Sän, Judas, Jakobus  
sien Brooda, un Judas  
Iskariot, dee lota  
Jesus sien  
Fient wia.




10

Jesus lieed an, daut wan see deeden  
waut hee an lieed, wia daut  
soo aus wan eena een Hus  
opp fauste Grunt bud.  
Een schlemma Storm  
woat daut Hus nich  
dol-rieten.



11

Wäa nich Jesus jehorcht wia soo aus wan eena een  
Hus oppem Saunt bud. Wan de Storm kjeemt, dan  
felt daut dol.



12

Jesus lieed uk soont waut nich leicht jinkj.  
"Wan die wäa aun de rajchte Bak  
schleit, dan hool am de linkje uk  
han," säd hee. "Leew diene  
Fiend." Menschen fällt  
Gott siene Help  
toom Jesus  
sienen  
Wajch  
läwen.



13

Jesus säd see sullen opp  
eene stelle Städ bäden, un  
nich doamet ver Menschen  
aufwiesen, soo aus eenje  
Leidasch deeden.



14

Jesus säd Gott wudd de Lied, dee Vetruien opp am haben, toom äten un auntrakjen jäwen.




15

Soo aus Gott de Väajel to äten jeft, un de Bloomen un Bescha kalierich moakt, soo woat hee uk siene Lied, dee am goot sent, aules jäwen waut an fäld.




16

Dän Dach lied Jesus siene nie-jewälde Helpa välet. Aus hee derch wia, kjeem een Lepra no Jesus toom jeheelt woaren.



17

Jesus säd to dän Lepra, "Ekj woa. Sie rein." De Helpa sagen daut hee rein wort. Hee wia jeheelt! Bloos Gott sien Sän kaun soont. De Mana wisten daut see eenen sea scheenen Liera hauden.



18

Jesus wält Twalw Helpa

Eene Jeschicht von en daut Wuat Gottes, de Bibel

finjt eena en

Matäus 4-7, Markus 1, Lukas 6

"Wan dien Wuat openboat woat, jeft daut Licht." Psalm 119:130

**Gott weet** daut wie schlaichtet jedonen haben, waut hee Sind nant. De Strof fa Sind es de Doot.

**Gott es ons soo goot** daut hee sien Sän Jesus schekjt, daut hee fa ons aum Kjriez storf un onse Schult betold.

**Jesus stunt vom Doot opp** un es trigj nom Himmel jefoaren! Nu kaun Gott ons onse Sind vejäwen.

**Wan du von diene Sinden west wajchdreien**, dan saj dit to Gott: Leewa Gott, ekj jleew Jesus es fa mie jestorwen un daut hee nu wada läft. Komm en mien Läwen un vejeff miene Sinden, soo daut ekj nu kaun nieet Läwen haben, un noch emol opp emma no die komen. Halp mie fa die to läwen aus dien Kjint. Amen. Johannes 3:16

**Lass de Bibel un räd jieda Dach met Gott!**